

皇  
明  
詔  
制

皇明詔制卷五

奉

天承運

皇帝詔曰洪惟我

祖宗誕膺

天命肇開帝業爲生民主幾百年矣

聖聖相承志勤于治武功文德紹體前聞暨我

皇考皇帝恢弘政治二紀于茲厚澤深仁有以衍

皇明萬世無疆之祚不幸奄茲遐棄

遺命神器付予眇躬顧哀痛之方殷奚遽忍於繼承而親王文武羣臣及軍民耆老累表勸進誠切意堅朕不得已仰遵

遺命俯徇輿情於正月二十二日祇告

天地

宗廟

社稷卽皇帝位自惟涼薄勉懷永圖嘉與中外親賢率循至道惟敬是持惟誠是立惟仁義是行惟古訓成憲是式庶臻于治康我兆民其以明年

爲成化元年大赦天下與民更始所有合行事  
宜條列于後

一天順八年正月二十二日昧爽以前官吏  
軍民人等有犯除謀反叛逆子孫謀殺祖  
父母父母妻妾殺夫奴婢殺主謀故殺人  
蠱毒魘魅毒藥殺人強盜不赦外其餘已  
發覺未發覺已結正未結正罪無大小咸  
赦除之敢有以赦前事相告言者以其罪  
罪之

一自天順五年七月初二日以後文武官吏  
監生軍民人等有爲事問發運磚運灰運  
炭納米做工擺站煎鹽炒鐵發充軍伴儀  
從膳夫等項悉還職役寧家文職官吏有  
賊者發回原籍爲民其犯賊罪見問未結  
照提未到并未發覺者悉與宥免俾圖自  
新所司毋得追究違者罪之

一自天順元年正月以後至天順八年正月  
二十二日以前軍官總小旗將軍力士校

尉舍餘人等有爲事發遣各處充軍爲民  
立功瞭哨除失機謀逆黨類強竊盜人命  
外其餘悉還職役文職官吏監生承差犯  
罪發各處充軍者放回原籍爲民天順五  
年七月初二日以後在京文職非犯貪淫  
斷發降調及充軍爲民者悉送吏部選用  
一內外法司囚犯見追贓物未完者悉免追  
賍有因人命未明強盜追無贓仗年久不  
得歸結者具實奏聞區處

廣東廣西湖廣四川江西浙江福建雲南  
貴州等處賊寇生發多因官司採辦物件  
守令不得其人以致饑寒迫身不得已而  
嘯聚爲盜情犯雖重詔書到日有能悔過  
自散者悉宥其罪聽從復業本分生理所  
司加意優恤勿究前非戶下拖欠稅糧等  
項悉皆蠲免仍免雜犯差役三年

一天順六年十二月以前各處軍民人等拖  
欠稅糧子粒草束農桑人丁絲絹門攤商

稅戶口食鹽米鈔諸色課程鹽課魚課差  
發金銀馬疋等項除已徵在官者仍送原  
定衙門交納中間有被水火盜賊所在官  
司告有堪信文憑到部者悉與除豁未徵  
之數俱各蠲免其成化元年稅糧以十分  
爲率俱免三分

一天順七年各處奏報水旱災傷曾經巡撫  
巡按官員踏勘明白具奏者悉與除豁

一天順七年十二月終以前各處歲造織



造紵絲紗羅綾紬曾經起解該庫驗退追  
賠者并節次原派浙江等布政司直隸蘇  
松等府織造改造紵絲紗羅等項及內府  
織染局節次坐派織造上用供用賞賜紵  
絲紗羅綾絹絲線經緯等項已完者照數  
起解見織未完者織完解京已徵絲料者  
准作歲造之數未徵者悉皆蠲免差去內  
官人等詔書到日即便回京違者罪之

一自天順七年十二月終以前各處歲辦野

味皮翎觔角課鐵生漆翠毛銅絲鐵線梳  
子槐花烏梅藍靛蒲草席草蘆柴松香榜  
紙書籍等紙苗竹蘆木并魚油翎觔皮張  
折納銅鐵油漆黃白麻及派辦杉木松榆  
槐木杉木枋板車料苗筆竹水竹長節竹  
輓篾箬葉椶毛白圓藤芸苗箬帚檉麻連  
包荆條葛稽馬連根雜草白真黃牛皮水  
牛底皮白硝麂皮山羊皮白甸驢皮前截  
白羊皮生漆鐵線土硝缸硝土紅土硝土

磁末麥穩稻皮毛纓銀硃青綠顏料黃白  
蠟金箔油椿木等項除成造軍器供應器  
皿漕運船料并預備賞賜皮張羊毛外其  
餘已徵在官者仍令起解未徵者悉皆蠲  
免其已解梨木板片揀退不堪者所司收  
貯別用及拖欠納欠追賠補償各項物料  
盡行宥免不許內外衙門朦朧奏請再行  
追徵敢有將已徵者捏作未徵者治以重  
罪

一 內外各衙門近年坐派柴炭數多軍民採  
運艱難宜從撙節以十分爲率量減五分  
天順七年十二月以前拖欠未完者盡行  
蠲免其惜薪司擡柴夫存留二千名其餘  
放免易州等廠採運人夫量減三千名以  
甦民困

一 住坐軍民人匠先因在逃有墩鎖上工及  
充軍事例今後提解至日止照常例發落  
並免墩鎖充軍其見在應役有年六十以

上并未及六十而篤廢殘疾不堪作工者  
所司驗實放回輪班人匠自天順七年十  
二月終以前失班者悉皆寬免及有一戶  
應當住坐又關勘合輪班者免其輪班若  
有原領勘合二三名以上者止令一名輪  
班其餘悉以優免正統年間以後有挾讐  
妄報并一戶分作二三戶以輪班當匠有  
司曾經勘明者止當一匠餘皆除豁勘合

繳部

一各處衛所季造軍器自天順七年十二月終以前拖欠未完者悉免補造其關過有司并各衛所自備物料見數明白准作天順八年以後之數不許指此因而侵欺敢有故違者治以重罪

一南京內府各監局司庫成造一應物件及工部成造馬槽馬椿等項詔書到日悉皆停止以後缺用在京該衙門成造兩京成造光祿寺器皿及餵養牲口槽鏹錫桶磨

盤等件自天順五年以前拖欠未完者悉  
皆蠲免

一江西饒州府浙江處州府見差內官在彼  
燒造磁器詔書至日除已燒完者照數起  
解未完者悉皆停止差去官員即便回京  
違者罪之

一在京在外軍民騎操孳牧原養馬疋種馬  
駒自天順八年正月二十二日以前一應  
倒死虧欠走失被盜等項悉皆免追

一南京馬快船隻赴京公幹除例該聽候半年外其餘有裝運物料前來到京者許令總小甲將原領勘合批文赴部投收俟有內外差使官員奏開合用船隻數目該部方許依數差撥以遵舊例

一浙江江西福建陝西臨清鎮守內外官員詔書到日即便回京其各邊鎮守內官正統年間原有者照舊鎮守原無者即便回京不許稽延



皇明詔赦

五

天曆八年

二二二七

一差去下番內外官員人等詔書到日即便  
回京原領錢糧交與鎮守等官收貯隨後  
差人送來

一各處內外官員人等今後不許進貢馬疋  
花木鳥獸水陸品味及本處所產一應物  
料庶免擾人違者罪之

一差去各處採買物件頭畜及緝訪事情等  
項內外官員旗校人等詔書到日即便回  
京敢有延遲者治罪不饒

一各邊官軍今後凡殺敗賊寇所獲馬疋頭畜財物器用等項聽自收用不必入官總兵等官不許侵取分用備禦軍士有陣亡病故者所司官殮送還本土

一今後軍民詞訟除謀逆外其餘不問輕重情詞悉自下而上陳告如有驀越赴京者法司卽治以重罪仍將所告情詞發回本處問理不許輒便擬奏差官出外提解攪擾軍民違者罪之

一問刑衙門有抄提在官人口該犯反叛應連坐未給配安置者開奏定奪其有律不該載者悉皆放免原沒官房屋田產給還住種照舊納糧當差

一吏典記名放回原籍聽取中間有老疾寫字粗拙不堪候用者聽所在官司正官從公揀選就發爲民當差堪用者聽候取用

一丁憂起復給假給由等項官吏人等除例限外有違限一月之上雖無文憑亦免問

罪其官員有原籍年老篤疾路遠不堪起  
送者聽合于上司明白具奏准令就彼冠  
帶照見行事例致仕閑住

一在京富戶及府軍前衛幼軍今後如有事  
故不必僉補各處原起民壯民快除有賊  
去處暫留外其餘盡行放免歸農

一內外文武官員旗士人等有住支祿米俸  
糧者詔書到日照舊關支

一各處軍民饑荒關過賑濟倉糧悉免還官

今後如有荒歉去處軍民缺食有司不必  
申請即便賑濟

一各處民間納糧田地水衝沙壅不堪耕種  
曾經奏告者所在官司勘實卽與分豁

一四夷進貢馬疋悉照舊例就於各邊衛分  
撥軍騎操不必解京

一醫士厨役樂工人等果有年老不堪應役  
無丁替者悉放爲民有司另行僉補其起  
取樂工原係良人者仍發原籍從良當差

一各處清理起解逃故等項軍解有違限一  
年之上軍發邊衛解人發附近衛分充軍  
者及有因違限在逃等項事未發露者悉  
與優免軍還原衛着役解入寧家當差  
一逃軍逃囚逃匠人等詔書到日爲始限三  
箇月以裏許於所在官司首告與免本罪  
軍還原伍民放寧家匠仍當匠

一凡問囚犯今後一依大明律科斷照例運  
磚做工納米等項發落所有條例並宜革

去及不許深文妄引叅語濫及無辜其有  
奉旨推問者必須經由大理寺審錄毋得  
徑自叅奏致有枉人文職犯贓者原籍爲  
民枉法滿貫者照舊充軍軍職侵欺枉法  
滿貫者不許管軍管事帶俸差操

一山東浙江福建廣東所屬沿海處衛所并  
直隸金山等衛所備倭旗軍月糧減支六  
斗者詔書到日爲始每月加支米二斗候  
有糧之日全與關支

一天順元年有因奸黨充軍者放回原籍爲民其正犯典刑家屬充軍者亦皆放免房屋田地入官者給還住種其因連累復職調衛者仍還原衛

一天下軍民近年以來貧困已甚各處一應造作除修理城垣倉廩運河所司指實具奏定奪外其餘內外衙門并殿宇寺觀塔廟房屋牆垣等項造作一應不急之務悉皆停罷與民休息各衙門不許擅自移文



興工在外軍衛有司非奉朝廷明文一毫不許擅科一夫不許擅役違者重罪不饒  
一求才宜廣天下官員中有才能出衆屈在下僚者許六部都察院堂上官舉保民間有經明行修隱於山林者許府州縣正官舉薦俱聽吏部量才擢用

一學官有由舉人署職九年考滿該陞年四十以下有願會試者聽

一各處帝王陵寢及名臣賢士墳墓有被人

毀發者所在有司卽時修理如舊令附近  
人民一丁看護免其差役其餘墳墓但有  
露棺暴骨者悉與掩埋

一民間七十以上者免一丁差役有司每歲  
給與酒十瓶肉十斤八十以上者加與綿  
二斤布二疋九十以上者給與冠帶每歲  
設宴待一次百歲以上者給與板木鰥寡  
孤獨無所依倚者有司量加存恤

一孝子順孫義夫節婦有司卽便開具實跡

奏聞旌表以勵風俗

一給事中御史職當言路今後凡朝廷政事得失天下軍民利弊許直言無隱文武官員有貪暴奸邪者務要指陳實跡糾劾在外從巡按御史按察司糾劾

一已上諸條寬恤恩典詔書到日有司即便奉行如有延緩者以違制論許巡按御史察究問罪

於戲體元居正宜宏經世之規發政施仁用錫

溥天之澤尚賴

宗室親王文武賢臣協德一心恭勤乃事以弼予于  
至治詔告中外咸使聞知

天順八年正月二十二日

奉

天承運

皇帝詔曰朕惟自古英君義辟咸有美謚垂示方來  
若二帝三王以及後世之賢主莫不皆然乃國  
家之茂典不易之令猷也恭惟我

皇考大行皇帝以

英武之資

剛健之德嗣守

祖宗之鴻業躬勤政務於萬幾

至孝通於神明

洪恩被於黎庶嚴百神之祀享重賢士之登庸志  
協羣情智周萬慮誕敷文命慎簡兵戎立經國  
之遠圖興治古之盛事華夏蠻貊罔不歸心四  
海九州臻于熙皞不幸奄棄臣民哀慟朽已允  
惟

宗社之托深思負荷之艱矧繼述之方殷顧追崇之  
敢後謹命在廷文武羣臣稽古禮文議薦

謚號祭之衆論合于至公乃于二月十二日祇告

天地

宗廟

社稷奉

冊寶恭上

皇考大行皇帝尊謚

法天立道仁明誠敬昭文憲武至德廣孝睿皇帝

廟號

英宗嗚呼

聖德允合于乾坤

聖明詔敕

五 天順八年

神功光垂于宇宙豈名言之可罄尚不顯于無窮布  
告邇遐咸使知悉

天順八年二月十五日



奉

天承運

皇帝詔曰朕惟大孝尊親著于典禮是以自古聖帝  
明王之有天下者靡不以尊親爲重而亦未嘗  
不致隆於所生傳序在予祇循敢後仰惟

母后以坤德之懿配我

皇考昭宣化源而嬰疾有年燕禩弗兆於時贊理宮  
闈相成

宗祀與所以迓續

皇明詔赦

五

天順八年

十七

一九四

天休而隆邦本者實我

母妃之功之德是賴內治雍睦

皇考鑒焉予一人躬承

兩宮訓育至於有成嗣統之初敢忘圖報夫欲兼  
隆於至養固宜各極於尊稱是用率籲衆心參  
稽古誼謹上

冊寶尊

母后皇后曰

慈懿皇太后尊

母妃皇貴妃曰

皇太后至情大義庶幾兩盡無違然孝旣盡於尊

親仁當推以逮下所有恤典合行條示于後

一親王郡王生子請名不拘歲數當封者悉

遵

皇明祖訓舊制年及十歲卽請冊封親王有長孫者

授以世孫給一品冠服郡王長孫授以長

孫給二品冠服

一兩京文武官員七品以上未開誥勅者若

父母見在先與誥勅封之不爲常例

一文武官員曾授署職試職者詔書到日悉

與實授

一天順元年七月以後至天順八年正月止

軍官爲事有調衛降調不係叛逆黨數冒

報功次失機人命者俱令復職回衛不願

回者俱令管事差操文職有因權奸排陷

見在家爲民者及因緝訪問贓爲民見在

京仰訴者俱與冠帶閒住

一在京各衛帶俸官員有願出外衛者許赴部自陳註與相應地方衛所管事差操將軍侍衛二十年以上者不拘在役退閒俱與冠帶以榮其身

一文武官員以禮致仕五品以上者進階一級若有廉貧不能自存衆所共知者有司每歲給與食米五石以資養贍

一文武官員有因公幹在途病故者所在官司卽以禮棺殮遍送還家若任所病故家

小還鄉者官司依律應付脚力送回違者  
罪之

一兩京文職有年近七十願告致仕者聽堂  
上官有離家年久欲照例給假回家省親  
祭祖者許令省祭

一吏部聽選官員取選不到有願告回家者  
不拘年歲俱令冠帶致仕閒住

一天順五年七月以後至天順八年正月止  
吏典犯罪問發重歷在逃者詔書到日自

首免罪

一兩京國子監監生積滯數多今後各衙門  
歷事考過勤謹者再歷三箇月送部聽選  
其有願告教職及雜職者聽若有不能出  
仕願告回家者俱與冠帶閒住其放回四  
十以上監生有志科舉者許就本處鄉試  
一民以農爲本有司時加勸督所在陂塘宜  
用修築以備旱澇至於耕牛所賴尤重不  
許軍民宰殺買賣如有犯者枷號半年依

律問罪若有司縱容私宰一體治罪不饒  
一天順元年以來地沒入官田地許令所在  
軍民耕種照例起科

一各處小民有因衣食不給流移他鄉者詔  
書到日各還本土有司務加撫恤無牛具  
種子房屋者卽與設法措辦俾遂生業仍  
免糧草一年雜泛差役三年違者許巡撫  
巡按官究治

一在京在外有遊手好閒不務生業者所在



有司即便記其姓名省令各務生業如不改者重加懲治其有孤老殘疾不能生業者即便收入養濟院照例給與衣糧勿令叫街乞食違者罪之

一上林苑監養牲人戶自天順七年十二月以前一應虧欠倒死等項牲口頭畜悉皆蠲免

一朝廷憫念小民凡事減省今後不差人出外買辦採辦物件有司不許仍前指以均

徭公用爲名科歛銀兩及因小故罰取財物因而剋落入已其司府州縣官員亦不許額外多僉皂隸侵漁小民但有違者許巡撫巡按官體訪叅奏治以重罪

一各衛所軍士月糧多被該管官員通同有司納戶作弊虛出通關致令倉廩空虛及有糧在倉又假以公用爲名扣除剋減者許巡撫巡按官及按察司官叅奏拿問治以重罪

一各邊軍士比之腹裏勞苦尤甚爲鎮守總兵等官者不肯撫恤反有剋害有財者占納月錢有力者役使耕種其不役占者不免重差軍士受害如此豈有銳氣禦寇今後該管內外官員務要改過自新不許仍前役占敢有違者許巡撫巡按官指實奏聞治以重罪

一朝廷設置軍衛有司官員專爲安養軍民中間多有不體朝廷之意百端生事剝削

以致軍民艱難困苦今後務要存念撫恤  
不許仍前生事剝削敢有違者許巡撫巡  
按及按察司官糾治若容情故縱一體治  
罪不饒

一各處都布按三司有因公務差遣官舍承  
差吏典下衛所府州縣幹辦因而索取財  
物擾害軍民今後若非重務止許行移所  
屬理辦不許差人其衛所府州縣官吏非  
因上司差委亦不許下鄉擾民違者罪之

一 凡軍民之家有五世以上同居共爨不分異者有司勘實奏聞旌表以勵風俗有因貧乏婚姻過期未成者詔書到日有司量給禮物定與期限成之

一 各處僧人年二十歲以上無度牒者詔書到日即便還俗若有隱瞞年歲不肯還俗者事發并其本師一體問罪不饒

一 在外軍民之家有爲盜賊曾經問斷不改者有司卽大書盜賊之家四字於其門能

改過者許里老親鄰人等保管方與除之  
一各處有等刁潑之徒起滅詞訟誣陷良善  
挾制官府者許府州縣等衙門官指實姓  
名申達巡撫巡按并按察司官知會遇有  
犯者就發本處枷號半年治以重罪

一府州縣官有廉能公正撫字勤勞深得民  
心者上司以禮相待仍具其政蹟奏聞以  
憑旌擢若有老疾罷輟不能任事者從巡  
撫官考察無巡撫官從巡按御史考察就

彼放回冠帶致仕貪暴不才者拿問如律  
一今後御史公差回還照舊管事不必考覈  
清軍者三年一替聽本院奏差

一雲南貴州廣西湖廣四川土官襲職者該  
部行委三司體勘其委官多有徇私圖利  
取勘不公以致互相爭襲累年紛擾今後  
有告襲者委官務要從公體勘定名會奏  
該部行令就彼冠帶襲職不必叅駁中間  
如有徇私不公許巡按御史糾舉罪坐原

勘官員

一朝廷政治得失天下軍民利病許諸人直言無隱

於戲養以天下永惟

二聖之尊福被後人懋衍萬年之慶布告中外咸使聞知

天順八年三月初二日



奉

天承運

皇帝詔曰婚姻正始人道所重朕大婚之期

先帝有成命矣遽焉卽吉誠所未安茲者親王廷臣

累辭以請而

聖母慈懿皇太后

皇太后慈訓加切咸以繼承之重爲言義既有在朕

敢固違謹昭告

天地

宗廟以天順八年七月二十一日冊立吳氏爲皇后  
正位中官以共承

宗祀奉養

慈闈庶惇彛倫用化成於天下敷告中外咸使聞知

天順八年七月二十四日

奉

天承運

皇帝詔曰帝王爲始莫先正家正家之道必自大婚始惟

先帝臨御之日嘗爲朕簡求賢淑已定王氏育於別官以待期矣迨至憑几顧命猶以婚期責成有司朕於時執禮彌甚未敢遽從矧敢與知其事不意內臣牛玉偏徇已私朦朧奏請

皇太后將已退吳氏復選冊立禮成之後朕觀吳氏

德不稱位因察其實始知非預定者夫既遵  
先帝之命以成禮而乃違命立其非人何以表官闈  
而相

宗祀興言及此內疚於心用是不得已請命

母后明正牛玉之罪廢黜吳氏不敢以歲月緩自念  
與其非人寧虛厥位而在廷文武羣臣再三陳  
請謂中宮不可久虛義正詞切朕難固拒今勉  
從所請仍遵

先帝成命冊立王氏爲皇后於戲自古人倫有常有

變變而得正何憚哉爲茲朕是與匪獨正家抑  
恐上負

先帝選授之命於心有不安焉誕告多方使明知朕  
意

天順八年十月十五日

皇明詔赦

五

天順八年

二十七

六三

奉

天承運

皇帝詔曰自古天子闕庭門必有五所以表都會而  
聳觀瞻也肆我

祖宗建都必備其制乃者天順元年七月初六日承  
天門災

先帝用是深自警惕已加恩於海內矣然於制在所  
必葺而遲久不欲遽者存

天戒也朕嗣承大統今已逾年繼志述事罔敢怠遑

顧茲存戒之已久重惟古制之宜備特

命所司興工營建以今十一月二十七日告成夫  
門以承天爲名必緩刑以體好生之仁修政以  
成從欲之志庶幾克享

天心永昌國祚所有寬恤事宜條列于后

一成化元年十一月二十七日昧爽以前官  
吏軍民人等有犯除十惡強盜謀殺人命  
不宥外其餘已發覺未發覺已結正未結  
正罪無大小咸赦除之敢有以赦前事相

告言者以其罪罪之

一成化元年十一月二十七日以前文武官  
吏軍民人等爲事運磚運米運炭做工等  
項未完擺站煎鹽炒鐵充軍伴儀從斗級  
膳夫拘役立功守哨年限未滿詔書到日  
悉宥其罪各還職役文職官吏有犯貪淫  
罪者不拘已結正未結正俱發原籍爲民  
其官吏軍民人等有因奸黨等項問發邊  
遠爲民者悉放還原籍當差



一逃軍逃匠逃囚人等并將軍力士校尉有  
在逃者詔書到日限一箇月以裏許赴所  
在官司首告與免本罪

一內外法司凡有伸訴冤枉者中間事情明  
白可辯者卽與從公查勘分理事難定奪  
者明白奏聞區處毋昧於單辭毋扭於成  
案致人嗟怨

一天順八年三月初二日以前爲事降調充  
軍立功等項軍官遇例復職回衛中間有

原係管事者俱令照舊管事今後軍職有  
犯枉法等項例該降者免降俱發邊方立  
功五年滿日復職仍還原衛帶俸差操

一見監強盜人命有賍証不明身屍無存拘  
於成案難於發落行勘未結者有司奏請  
定奪

一成化元年各處奏報水旱災傷曾經巡撫  
巡按官員踏勘明白具奏者卽與除豁其  
各處灶戶糧草折納引鹽曾告災傷并拖

欠黑土課米等項及成化元年以前消乏  
鹽課行勘是實者悉皆蠲免

一各處軍民解納糧草農桑人丁絲絹門攤  
商稅戶口食鹽米鈔并諸色課程除已解  
到倉庫上納外有納欠年久追陪未完者  
自成化元年十一月以前悉皆宥免其成  
化二年稅糧以十分爲率俱免三分

一各處起解糧草等項中途以遇水火盜賊  
曾經所在官司告勘顯迹明白申達到部

者悉免追陪敢有乘機通同作弊侵欺入  
已事發到官治以重罪不宥

一兩廣四川湖廣盜賊生發去處軍民爲因  
饑寒所迫流移他處不得已相聚爲盜詔  
書至日許令改過自新免其本罪所司不  
許違擾聽其復業免其戶下稅糧差役二  
年官司善加撫恤

一兩廣地方賊情未息今後除授官員除方  
面府正外其餘大小職事不拘鄉貫就將

本處相應人員除授候地方稍寧仍照舊例施行

一各處司府州縣被災去處原派買辦採辦石大青等青礪砂等礫及皮張毛纓等項除已徵在官者照舊起解未徵者悉皆蠲免

一各處軍衛有司該造軍器弓箭弦條并魚油翎鰓等項自成化元年十一月二十七日以前拖欠未完者暫且停免候成化二

年秋成之後照例造解其有關過有司并各衛所自辦物件者照舊成造不許侵欺違者罪之

一自成化元年十一月二十七日以前各處歲造織造紵絲紗羅綾紬等件曾經起解到庫驗退加倍追陪者免其追陪其成化元年減去農桑稅絲三分者該造段疋照依減去絲料減免三分待成化二年以後

照舊織解

一南北直隸并河南等處但係災傷地方凡  
倒死走失被盜等項一應該追孳牧騎操  
馬疋所司曾經具奏者俱停候次年收成  
追補還官今後各處孳生種馬三年收用  
一駒永爲定例其各處原養寄養贓罰等  
項該追倒死走失被盜虧欠騾驢牛羊及  
屯種牛隻自成化元年十一月二十七日  
以前盡行免追

於戲君以敬

天勤民爲大覃恩宜徧於邇遐臣以輔君行政爲先  
舉職務勤於夙夜必上下盡交修之道斯海宇  
臻至治之隆布告多方咸使知悉

成化元年十一月二十七日



奉

天承運

皇帝詔曰朕稽古聖君治隆孝道固謹於其始尤嚴  
於其終是以薦徽稱垂永世實今所當遵用也  
惟我

皇妣大行慈懿皇太后配我

皇考英宗睿皇帝正位坤宮殆將二紀逮于紹休  
聖緒尊奉

母儀並膺至養亦閱五載

懿範仁恩自家刑國宜壽萬年而遠爾升遐思罄  
送往之誠惟崇媲美之號是用博采廷議於七  
月十九日祇告

天地

宗廟

社稷恭上

尊謚曰

孝莊獻穆弘惠顯仁恭天欽聖睿皇后於戲

陵廟祔于

先皇允符天地高厚之配

聲名溢于中國施及日月照臨之區播告遐邇咸  
宜知悉

成化四年七月二十二日



平民人等有犯除子孫謀殺祖父母父母  
妻妾殺夫奴婢殺主蠱毒魘魅毒藥殺人  
強盜人命失機不宥外其餘已發覺未發  
覺已結正未結正罪無大小咸赦除之敢  
有以赦前事相告言者以其罪罪之

一文武官吏知印承差監生生員軍民人等  
有爲事見發運磚運石運灰納米納馬及  
追罰馬疋做工擺站煎鹽炒鉄充軍伴儀  
從膳夫等項悉宥其罪各還職役寧家隨

住其軍職例該帶俸差操者照原擬發落  
文職官吏人等有犯貪淫者悉發原籍爲  
民

一軍官旗軍將軍力士校尉舍人餘丁爲事  
發遣各處立功瞭哨者盡行放免復還職  
役例該帶俸差操者不許管軍管事有因  
失機問發充軍者各照原職降二級就彼  
帶俸差操其已降調及冒功人命者不在  
此例

一各處逃軍逃匠逃囚人等自詔書到日爲始限三箇月以裏許於所在官司首告與免本罪軍還原伍匠仍當匠民放寧家

一各處納欠稅糧絹布綿花等項爲因已徵在官之數雖累遇寬恤官府仍復行追者自天順五年十二月以前悉皆免追其餘小民拖欠未徵者自天順八年十二月以前亦皆宥免

一在京在外衛所官員拖欠屯種子粒例該

住俸者照舊支俸今歲奏報水旱災傷去處如果踏勘是實卽與除豁稅糧子粒其上年拖欠者亦暫停徵候下年有收行追補納其無災傷去處上年稅糧未完官吏糧里人等例該枷號住俸問罪者詔書到日亦皆宥免再限一年納完

一災傷去處成化四年人民戶口食鹽鈔米除已徵外其未徵係全災者俱免災輕者以十分爲率減免五分其廣東廣西陝西



四川盜賊生發州縣亦寬免一年各處船料鈔貫係舊額者照舊徵收但係新增者俱與除免

一湖廣江西上年災傷曾將文武官員人等俸糧存借賑濟有收去處許令照舊關支今年災傷去處人民缺食巡撫巡按等官卽督所司取勘賑濟如本處缺糧卽與鄰近有糧去處借撥豐年抵斗還官如鄰近州縣俱各缺糧無可措置者卽便奏聞區

處不許坐視

一各處採辦歲辦藥材除已收在官起解外  
拖欠之數悉皆停免凡災傷去處自成化  
四年八月以前內外衙門節次派出一應  
竹木青碌漆蠟黑鉛羊角等料并買辦牲  
口俱暫停止其餘物料若已徵在官者差  
人解納未徵者俱各停免以甦民困各處  
歲造織造紵絲紗羅綾緞曾經起解該庫  
驗退追陪者悉免追陪

一在京各營在外各邊官軍騎操馬匹自成化四年九月二十六日以前一應倒失被盜等項未買補者暫且停追其陝西苑馬寺等衙門所養馬匹有被虜寇搶掠者所司查勘明白亦皆免追南北直隸并山東河南被災去處軍民孳牧寄養馬騾驢并駒自成化四年九月二十六日以前倒失被盜虧欠等項不能賠償者所司查勘明白悉與宥免

一聽選官員九年考滿例該陞用有年力衰邁不能任事者照依該陞品級給與散官致仕聽選監生有老疾願回者冠帶閑住雲南土吏兩考役滿今後免起送赴部於本布政司給由照例調撥仍將考滿調撥緣由轉達吏部知會

一邨府旗校人等先調山東沿海衛分者悉還原衛差用及口外大同等處旗軍先因連累調發兩廣者正身事故其子孫俱於

原衛補伍天順八年正月十七日以後官軍爲事降調兩廣等處不曾到衛者許與所在官司首送兵部改調北方沿邊衛所差操

一醫士厨役樂工有年老殘疾不堪應役無丁更替者悉放寧家爲民有司照名僉補樂工從良所司不許刁蹬人難

一各處見今清理迆故等項人匠除收成去處清解外其災傷地方曾經勘實者不分

住坐輪班俱暫停止待下年收成照舊起  
解應役

一陝西固原等處土達滿四等反叛蓋因官  
司不能撫恤所致雖已調軍征勦情實可  
矜詔書到日除滿四等首惡不赦外其餘  
果能悔過自散悉宥其罪有能糾衆搶斬  
賊首來獻者量授以職兩廣四川貴州大  
軍征勦之後有畏遁山林奔潛海澳者亦  
皆宥免聽從復業生理仍免賦役三年

於戲爾中外文武之臣既俯治于人尚仰畏于  
天受職任事者惟義是循理兵牧民者惟仁是  
篤惟朕憂是分惟玄鑑是儆故茲詔告咸使聞  
知

成化四年九月二十六日

奉

天承運

皇帝詔曰朕以眇躬君臨海宇惟

上天付畀之重

祖宗創守之艱常懷惕厲因敢怠荒遑豫冀民物阜  
康協于至治而志勤道遠厥效未彰比者災沴  
荐臻畿甸尤甚三時不雨一雨連旬旱澇相仍  
民食缺乏循省厥咎在予一人百姓何辜罹茲  
艱厄興言及此良用惻然夫篤近舉遠者古之



規視遠猶邇者朕之志爰推憂勤之念普施寬恤之仁所有合行事宜條列于後

一內外衙門見監問罪囚除真犯死罪不宥外其餘徒罪以上降等發落杖罪以下悉皆寬宥有已發做工運磚運灰納米等項未完者悉皆宥免內有貪淫官吏監生知印承差賍証明白者發回原籍爲民

一咸化六年順天等八府及各處奏報災傷曾經官司踏勘明白者該徵稅糧子粒馬

草悉與除豁其有薄收者照依分數減免  
一各處軍民有先年拖欠稅糧馬草子粒戶  
口食鹽鈔錠并派買厨料果品等物順天  
等八府自成化五年十二月以前俱免追  
徵其南直隸并各布政司成化四年十二  
月以前悉皆蠲免

一在京各營在外各邊騎操馬疋并順天南  
北直隸河南山東被災去處軍民孳牧寄  
養馬騾并駒自成化六年八月初一日以

前一應倒失虧欠等項并有倒停候買補  
及遇倒漏報者所司查勘明白悉與蠲免  
其上林苑監蕃育良牧等署今年有因水  
患虧損牲口曾經具奏查勘明白者悉免  
追陪

一南北直隸山東河南等布政司被災州縣  
有拖欠內外衙門坐派採買松木長柴椶  
木楊木榆槐雜木椽子窩柴葛楷蘆葦蒲  
草荆條糠麩麥穗稻皮土硝磁末黑煤麻

筋牛筋金箔銀珠貳珠白綿羊毛白硝羊  
皮紅真黃牛皮白甸鹽皮前截藍靛紅黃  
熟銅生漆香油片三枝條西碌礪砂石大  
等青燒造罈餅紅土青土薰皮草歲辦皮  
翎採捕野味白山羊角黑鉛紅花黃蠟生  
銅猫竹水牛皮鹿皮等料自成化四年  
十二月以前未徵者盡行停免已徵在官  
者仍令解納不許因而侵尅

一各處起解糧草等項中途有遇水火盜賊

曾經所在官司告勘明白申達到部者悉免追陪敢有乘機作弊侵欺入己者事發治以重罪

一順天等八府山東河南等處被災軍民有承佃住種各王府各公主府及內外官員之家田地莊園拖欠租米自成化五年十二月以前并今年見有災傷無收去處皆免追

一成化六年分各處戶口食鹽糧鈔盡數蠲

免有已徵在官者准作下年之數以後只徵鈔貫不許折收銀米等物

一成化六年七月初一日以前各處失班人匠並免罰工止當正班及內外衙門皂隸馬夫有在逃曠役者並免補役不許一槩勾擾

一長蘆鹽運司被害場分今年該徵鹽課卽與驗實除豁

一北直隸河南山東清軍御史俱暫取回被

害去處清出軍丁候明年秋成起解無災  
去處仍令司府州縣委官清解不許扶同  
作弊違者罪之

一天順年間以後軍官有爲事調發兩廣等  
處不曾到衛者文職有爲事問發爲民累  
訴冤枉者限十日以裏赴通政司首告官  
軍調北邊衛分差操文職無贓者聽四隣  
舉首押發極邊地面充軍容留之家亦不  
坐罪

一各處人民但有被災缺食有司設法賑濟  
流移者招撫復業務體朝廷仁恤之心不  
許坐視民患

一各處以備倉糧本以賑濟饑民近來有司  
通同下人作弊多端民不受惠今後務要  
驗實放支抵斗收受不許過取合干上司  
宜用心提調督察毋事虛文

一荆襄南陽等處流民拋棄鄉土良可矜憫  
詔書到日凡一應罪犯悉宥不問該管官



司用心撫諭願回原籍者照例優恤已住  
成家不願回者聽令附籍當差

一凡民間利有當興弊有當革及一切便民  
之事許所司其實開陳毋有所隱

於戲朕體

上天好生之德用加惠於吾民中外大小臣僚上體  
朕恤民之意務求臻於實效故茲詔示咸使聞  
知

成化六年八月初八日

奉

天承運

皇帝詔曰自古帝王君臨海宇必崇建元良以爲儲  
副此久安長治之道也惟我

祖宗列聖允迪大猷承傳有序邦本旣正鴻業斯隆  
暨朕嗣守丕圖于茲八載彛章未舉蓋有待焉  
長子祐極天資明粹日表英奇中和之性夙成  
內外之心是屬比者公侯駙馬伯文武羣臣合  
誠奉表請建東宮恭承

皇太后聖訓茲事重大宜從衆議爰以令辰舉行彝  
典授祐極以冊寶立爲皇太子正位東宮用篤  
邦家之祐衍

宗社無疆之休大禮旣成輿情交慶宜敷霈澤覃被  
萬方所有合行事宜條列于后

一自成化七年十一月十六日昧爽以前官  
吏軍民人等有犯除謀反大逆謀叛子孫  
謀殺祖父母父母妻妾殺夫奴婢殺主蠱  
毒魘魅毒藥殺人強盜人命妖言不赦外

其餘已發覺未發覺已結正未結正罪無大小咸赦除之敢有以赦前事相告言者以其罪罪之

一文武官吏監生知印承差生員軍民人等有爲事見發運磚運灰納米及追罰馬疋做工擺站煎鹽炒鐵充軍伴儀從膳夫等項悉宥其罪各還職役寧家隨住軍職例該帶俸差操者照原擬發落文職官吏員人等有犯貪淫者悉發原籍爲民

三十一  
一軍官旗軍將軍力士校尉舍人餘丁有爲  
事發遣各處立功瞭哨者盡行放免復還  
職役例該帶俸差操者不許管軍管事

一各處拖欠未徵稅糧馬草子粒農桑絹布  
并戶口食鹽鈔錠商稅泊河門攤課程差  
發銀兩自成化五年十二月以前盡行蠲  
免今奏災傷去處曾經勘實者糧草子粒  
悉與除豁

一直隸通州左等衛採運秋青草束軍士逃



綾紬曾經起解該庫驗退加倍追陪已織完者照數起解未完者止追正數餘悉蠲免其被災去處逾年拖欠歲辦皮張魚油翎鰓折納麻鐵暫且停止

一各處逃匠逃囚人等自詔書到日爲始限三箇月以裏許於所在官司首告與免本罪軍還原伍匠仍當匠民放寧家其各處解軍之人自因違限問發充軍者放回寧家後不爲例

一自成化七年十一月十六日以前内外文武官員總小旗有停罷俸糧者詔書到日爲始照舊關支北直隸連年災傷儒學黜退生員見追廩米悉皆宥免

一荆襄等處流民除已發遣回還原籍者有司加意撫恤優免糧差五年其間或有逃匿山林拒捕不出者詔書到日許令出首悉宥其罪令還原籍一體存恤優免

一陝西延綏地方連年被賊驚擾人民艱難



今歲該徵糧草暫行寬免其本處并各處  
調來見在隨征官軍每人賞銀三兩以酬  
其勞

一光祿寺厨役年老殘疾者告官審驗是實  
放回寧家有司照缺僉補上林苑監原僉  
養牲種菜等項人戶其有老疾不堪應役  
戶內無丁頂補者許該監官驗實具奏放  
回原籍依住

一各處官軍騎操馬匹并軍民孳牧寄養馬

騾驢牛自成化七年十一月十五日以前  
一應倒死已報在官者悉皆蠲免虧欠馬  
駒每四疋折買一疋其先次查出漏報折  
買者不在此例

一各王府官員九年考滿照例給與該得誥  
敕其方面知府在邊効勞不得赴部給由  
九年考滿一體授與該得誥命

一各處倉官及收糧經歷守候三年之上放  
支不盡者仍聽全支本等俸給

一今後三年考滿吏典從吏部陸續考試不  
必會官仍照三等例行聽選監生不願出  
仕者與從七品散官閑住

一軍民中有鰥寡孤獨者所司依例存恤勿  
令失所

一軍民中有男婦年八十以上者詔書到日  
所司給與絹一疋綿布一疋綿一斤米一  
石

一天下軍民利病許諸人直言無隱

一前項寬恤事件有司務在遵行不許違慢  
一應管軍官員俱要守法奉公撫恤下人  
非奉朝廷明文不許纖毫科擾違者罪之  
於戲元良正位綿大統於萬年曠蕩推恩均至  
仁於四海詔諭遐邇咸使聞知

成化七年十一月十六日

奉

天承運

皇帝詔曰朕紹

祖宗鴻業爲天下生民主夙夜憂勤用圖康濟奈近年以來旱澇相繼歲數不登加以今春亢旱爲虐京畿州縣被災者多而山東濟南等六府河南彰德一府災傷尤甚人民缺食十常八九守臣以告朕心惻然夫民生不遂實司牧之過如又坐視其飢窘窮困而不顧豈爲民父母之道

哉用是發倉儲出內帑弘施寬恤之仁少慰黎  
元之望凡爾居官食祿爲朕牧民者務加意賑  
恤毋生事煩擾仍諭吾民鄰里相救有無相通  
共濟艱厄以候秋成有積者毋閉糴自私乖救  
急之義窮乏者毋流移轉徙放縱非爲以重害  
而生於戲憂民之憂朕心良切故茲詔示咸使  
聞知

計開寬恤事宜

一被傷之處成化九年夏稅小麥絲綿絹疋

戶口蓋鈔山東六府并順德廣平彰德三  
府盡行蠲免順天河間真定大名四府免  
五分保定一府免二分所屬州縣中間災  
有輕重宜從巡撫官酌量施行其秋糧馬  
草并衛所屯田子粒待收成後具實奏報  
處置

一前項司府遍年逃民拖欠稅糧等項累及  
見在人民陪納者自成化六年十二月以  
前俱免追徵

一山東長蘆二鹽運司被災傷分今年該徵鹽課山東減免五分長蘆減免三分

一前項司府衛所被災處所一應寄養孳牧騎操馬騾驢牛自成化九年四月以前倒失虧欠被盜等項已報在官例該追陪并失次停止折買未完者盡行蠲免如已徵價值在官不在此例其走失被盜馬匹日後得獲照舊還官

一前項災傷去處清出各衛所逃故等項軍



士除原逃正身起解外其查理查補等項  
暫且停止候豐年起解

一真定大名二府成化九年派買猪羊雞隻  
銀價未起解者盡行停免

一山東成化九年歲辦段疋皮張翎鱗悉皆  
蠲免

一成化九年砍柴人夫山東并順天保定真  
定三府先已通減三分其餘起解外山東  
夏秋二季未起人夫悉皆蠲免順天保定

真定三府二季內量減二分工部神木廠  
苦蓋木植人夫以十分爲率存留四分看  
守其餘放免以蘇民困

一前項被災去處官吏軍民有爲事曾經法  
司問斷發原籍官司追納入官錢糧贓物  
紙鈔未完者俱免追納其解納錢糧馬草  
等項人戶有被攬頭坑陷或遇水火盜賊  
事有顯迹已告在官又行家屬名下重徵  
陪納者卽與分豁

一前項被災地方逃軍逃民逃匠人等自詔書至日爲始限三箇月以裏首官免罪各還役寧家其有爲事被捉逃叛山林者許於所在官司首告真犯死罪該管官司查審明白奏請定奪其餘悉皆宥免

一累發京庫銀兩并各處倉糧賑濟缺食軍民巡撫官務着洛司府州縣分投驗實放散不許違悞凡一應在官工役不急之務俱暫停止令民自在營生毋或勞擾

成化九年四月十七日

奉

天承運

皇帝詔曰帝王誕膺景命必建儲闈所以重

宗社之承正邦家之本此古今通制也朕丕纘令緒

祇後永圖旰食宵衣不遑自逸允惟七鬯之主

實繫臣民之心庸舉盛儀以慰羣望皇子祐樞

聰明天賦睿智夙成孝本因心禮皆中度朕遠

稽古昔近法

祖宗覽羣臣請建之章奉

皇明詔赦

五

成化十一年

五十七

二十七

聖母從衆之訓遂授冊寶立祐樞爲皇太子正位東  
宮衍寶祚於萬年隆本支於百世弘施慶澤覃  
被寰區所有寬恤事宜條列于後

一自成化十一年十一月初八日昧爽以前  
官吏軍民人等有犯除謀反大逆謀叛子  
孫謀殺祖父母父母妻妾殺夫奴婢殺主  
蠱毒魘魅毒藥殺人強盜人命及文武職  
官有犯贓罪不赦外其餘已發覺未發覺  
已結正未結正罪無大小咸赦除之敢有

以赦前事相告言者以其罪罪之

一文武官吏監生知印承差生員軍民人等有爲事見發運磚運灰納米及追罰馬疋做工擺站煎鹽炒鐵及充軍伴儀從膳夫斗級等項悉宥其罪各還職役寧家隨住軍職例該帶俸者照原擬發落文職官吏人等有犯貪淫者悉發原籍爲民

一軍官旗軍將軍力士校尉舍人有爲事發遣各處立功瞭哨者盡行放免復還職役

例該帶俸差操不許管軍管事

一各處逃軍逃匠人等詔書到日限三箇月以裏許赴所在官司首告與免本罪軍還原伍匠仍當匠民放寧家輪班人匠有罰工者免其罰工止當正班在京各營遠年及近逃官軍許令出首免問送營收操

一在京各營在外各邊及各處軍衛有司原養寄養騎操孳牧走遞馬騾驢牛并種馬馬駒自成化十年十二月以前一應倒失



虧欠被盜已報在官并查出埋沒等項盡  
行蠲免

一河南山東陝西等處流民多有逃住湖廣  
荆襄等處深山藏住詔書到日悉聽各回  
原籍沿途官司量給口糧所司務加存恤  
優免糧差三年公私債負不許追取湖廣  
貴州等處苗蠻多因所司失於撫字及因  
貧窮所迫不得已相聚爲盜詔書到日許  
令改過自新各歸本土安生樂業若不改

悔仍前聚集爲非者並聽總兵等官征勦  
一 内外文武官員總小旗有停罷俸糧者詔  
書到日照舊關支今後各處倉官及收糧  
經歷守候二年之上放支不盡者仍聽全  
支本等俸給

一 各處該納稅糧馬草子粒農桑人丁絲絹  
戶口食鹽門攤商稅魚課棗株諸色課程  
鈔貫除已徵在官外其小民拖欠未徵者  
自成化九年十二月以前悉與蠲免今歲

奏報災傷去處卽行勅實糧草子粒悉與除豁各鹽運司鹽課提舉司自成化八年以前該辦鹽課拖欠未完者亦與除豁其有被水滄沒鹽課曾經風憲官勸實者俱免追賠山東并順天等八府軍民先因饑荒開過賑濟倉糧悉免還官

一內外法司凡有累訴冤在中間事情可辯者所司悉與從公辯理其強盜人命有贓仗欠明情可矜疑者其實奏聞區處

三言赤  
一文武官吏監生人等自成化元年正月以後有爲事問發充軍及編發爲民者除黨逆強竊盜搶奪人命失機誣告十人以上貪淫酷暴不宥外其餘悉放寧家隨住有奉特旨發遣者所司具奏定奪

一兩廣等處軍民田土先年被賊蹂踐占種及各處水衝沙壓不堪耕種田地曾經官司踏勘明白逐年拖欠稅糧并逃民拋荒地土遺下糧草累及見在人戶陪納不全

者自成化十年以前悉與除豁通州左衛等軍士採運并京衛該採秋青草束今歲被水滄占採打不敷曾經奏告到部者以十分爲率減免三分各處倉場先年有因失火延燒糧草等項經該官攢斗庫人等已經問發追陪若故燒者不在此例

一給由考滿該陞冠帶未任聽選官員有家貧親老疾病等項願告致仕者授以應該陞除職名以榮終身監生有不願出仕聽

選者授以從七品有司職名依親坐監授  
以正八品有司職名俱令冠帶閒住原籍  
官司以禮相待免其雜泛差徭吏典遇例  
告願納草納米未會上納例該重歷者免  
其重歷已發重歷者悉還原衙門辦事其  
南京各衙門三考役滿者免其赴京從南  
京吏部照例考試中式就彼冠帶辦事不  
中者徑發爲民

一各處義官義民已經給與散官冠帶榮身

及立石旌異等項近該在外問刑衙門不  
論所犯輕重俱革役冠帶追奪有孤旌勸  
之意今後除重罪外其餘徒流已下不問  
已結正未結正止許各依所犯科罪不在  
除名追奪之限

一易州等山場自成化十一年十一月以前  
一應坐派柴炭除見有領運外若廠無收  
積徵價辦買果原領價少陪補不敷及分  
派在廠採燒年久拖欠不曾徵有官價者

所司通勘明白卽與分豁有被人包攬誑騙跟捉不獲曾經具奏者仍令原解陪納該部另項收貯其成化十二年內外各衙門坐派柴炭以十分爲率量減二分照數減徵時價以蘇民困在京各衙拖欠柴炭自成化八年十二月以前盡行蠲免

一成化十年十二月以前各處軍衛有司歲造弓箭弦條歲辦皮翎野味及內外衙門買辦採辦葛楷荆條蒲草蘆蓆柴黃穰苗



馬連根等項拖欠未完者悉與寬免已徵物料在官者准作下年該辦之數其起解麻鐵竹木堆垛橋草遭風漂流被火燒毀曾經奏告查勘是實者免其追陪

一凡民年八十以上者免一丁差役有司每歲給與綿二斤布二疋九十以上者給與冠帶鰥寡孤獨無所依倚者有司量加存恤

一公侯駙馬伯子孫務要讀書習禮許各訪

保通經儒士一人送吏部考試取中者准  
令教書三年滿日照例除授職事仍舊教

書

一天下軍民利病許諸人直言無隱

於戲正元良之位式副輿情推曠蕩之恩用敦  
博愛詔告天下咸使聞知

成化十一年十一月初八日

皇帝敕諭文武羣臣

曩者朕

叔邸王踐祚戡難保邦奠安

宗社亦既有年及寢疾臨薨之際奸臣貪功生事妄  
興讒構請去帝號

先帝尋知誣枉深懷悔恨以次抵奸于法不幸

上賓未及舉正朕嗣成大業于茲一紀每思先儒  
有言祖父有欲爲之志而未爲子孫善繼其志  
而成就之此所謂孝間以帝號之復質諸

皇明詔集 卷之二  
聖母皇太后亦云此

先帝本意宜卽舉行朕祇服

慈訓敦念親親誕告在廷用成

先志其

郕王可仍舊皇帝之號所有

尊謚禮部會議以聞務合人心母乖典禮仍令所

司修飾陵寢如敕奉行故諭

成化十一年十二月十三日

奉

天承運

皇帝詔曰朕紹

祖宗大位撫御萬方思惟負荷之艱罔敢自違自豫  
然而治效未著災沴迭興地道弗寧天時亢旱  
土無所演朕切憂惶嘗齋心懇禱遣廷臣祭告  
山川奈歲竟不登而河南山東畿內率多饑饉  
陝西山西尤劇至有棄恒產室家不相顧者元  
元何辜罹茲危阨朕爲民王可愬然莫之愍耶

累博采群議發內帑倉儲敕所司小大多方賑濟期此今人咸歸樂土不意冬暮春初兩次星變有聲朕愈兢惕載敕廷臣備陳時政得失采納而行用以下慰民望上荅

天心况方春和時萬物發育祇承乾元資始之仁誕敷寬恤天下之典合行事宜條列于后

一自成化二十一年正月初七日昧爽以前官吏軍民人等有犯除謀反叛逆子孫謀殺祖父母父母妻妾殺夫奴婢殺主謀故

殺人蠱毒魔魅毒藥殺人強盜妖言黨惡  
人命失機不赦外其餘已發覺未發覺已  
結正未結正罪無大小咸赦除之敢有以  
赦前事相告言者以其罪罪之

一文武官吏監生生員知印承差將軍力士  
旗校軍民匠作舍餘人等有爲事見發立  
功瞭哨運磚運炭納米納料拘役擺站做  
工充儀從軍伴膳夫煎鹽炒鐵等項悉該  
放免各還職役肄業軍還原伍匠仍當匠

民發寧家文職官吏監生生員有犯貪淫  
酷暴武職有犯敗倫傷化及爲事脫逃例  
該革職爲民及帶俸差操者悉照原擬發  
落其有犯強盜處決者不分在京在外子  
孫不許承襲俱調邊衛充軍庶人知警戒  
一各處司府州縣衛所地方連年各有災傷  
輕重不等成化十七年以前拖欠稅糧馬  
草農桑屯種糧草採運草束戶口鈔貫鹽  
課商稅課程折糧顏料買辦厨糧等項一



切取于軍民未完者悉皆蠲免果有已徵  
在官者照舊送納其陝西山西河南所屬  
鳳翔延安慶陽平涼臨洮鞏昌平陽河南  
懷慶開封南陽等府及澤州并直隸大名  
府係災重去處各衙門該徵成化二十年  
以前前項錢糧未徵并災傷勘實量徵者  
盡行蠲免已徵者見數就留本處賑濟

一浙江福建雲南四川煎辦銀課成化二十  
年以前未完者每十分減免三分

一各處一應額辦坐派物料除軍需外其拖  
欠皮翎觔鱗硃漆油熟銅絲鐵線梔子槐  
花烏梅藍靛翠毛野味箬葉黃穰圓藤芒  
苗苕蒂荆條葛稽麥穗稻皮松香沙葉苧  
麻茜草杉木榆槐檀椒等木猫筆長節水  
苦等竹軟篾板枋白硝雜皮驢皮前截羊  
毛羊角水牛皮黃真牛皮水和炭煤炸  
柴炭瀛沙土硝磁末毛纓白猪鬃雲母石  
缸餅罈高頭等紙缸砒等土油椿磨板黑

鉛銅鐵金箔青綠顏料等項自成化十九年十二月以前未徵者悉皆蠲免已徵者仍令起解該部另項收貯准作下年之數不許內外衙門朦朧再奏追徵敢有將已徵捏作未徵者治以重罪

一在京各營在外各邊騎操馬疋并順天南北直隸河南山東被災去處軍民孳牧寄養馬騾并成化二十年十二月以前一應倒失虧欠等項并在例停候買補者所司

查勘明白災傷重處悉與蠲免輕處自成  
化十六年十二月以前之數悉免追陪其  
餘停候二十一年夏秋成熟陸續徵解如  
或該管上司及各府州縣管馬官吏交通  
作弊事發俱坐贓罪

一陝西山西河南三處該派成化二十二年  
分

大祀牛羊以十分爲率俱免七分派納三分陝西山  
西供用大尾羊綿羯羊除成化二十一年

上半年分停徵其下半年及河南二十一年分猪羊雞鵝俱以十分爲率停免七分追徵三分該免七分之數禮部俱移附近產有地方派納其三分行布政司災輕去處派納

一陝西山西災傷軍民有舉家逃往鄰境南山漢中徽州商洛并湖廣荆襄四川利順等處趁食求活者情實可憫各該巡撫巡按三司府州縣衛所官不許趕逐務要善

加撫恤設法賑濟安插得所候麥熟官爲  
應付口糧復業免其糧差三年本處官司  
不許科擾及追逼私債

一山西陝西河南極災地方俱有盜賊生發  
或致拒捕傷人詔書到日除首惡外其餘  
限三箇月以裏許自首免罪軍還原伍民  
歸原籍所在官司仍量爲賑恤如限外執  
迷不服撫恤聽各鎮守巡撫等官擒捕

一山西成化二十一年分該徵柴炭價銀全

免一年山東北直隸量免半年內外衙門  
年例供應柴炭以十分爲率暫減二分其  
成化十九年十二月以前被人誑拐價銀  
負累死亡逃竄及監追未完者該部改派  
另項收貯以備別用今後柴炭只依正價  
派納分外不許多科違者許巡撫巡按官  
問罪黜職其山西都司并直隸衛所成化  
二十一年分該派柴炭亦暫停免

一借薪司各處擡柴人夫易州廠採運軍夫

等自咸化二十年十二月以前拖欠在逃  
病故缺工及違限罰納柴炭者悉與寬宥  
其各色失班人匠俱免罰工止當正班以  
甦民困

一在京在外正操做工爲事等項久近在逃  
官軍自詔書到日爲始限三箇月以裏在  
京赴兵部在外赴所在官司首告與免本  
罪復還職役其該班來遲官軍亦免究問  
今後一切不急工程悉皆停止



一天下衛所歲造軍器弓箭弦條自成化十九年十二月以前拖欠未完者悉免補追其收過有司物料准作以後年分該辦之數敢有因而侵欺者治以重罪

一杭嘉湖蘇松等府自成化二十年十二月終以前除歲造紵絲紗羅綾紬等項其內外衙門奏准差人前去坐守織造者詔書到日暫免三年已織完者照數起解已徵科者交與所在官司准作歲造之數差去

內官人等即便回京違者罪之

一廠蓋木植人夫逐年分派順天府所屬州縣出辦土價深爲民患并慶豐等閘夫今後以十分爲率俱存留五分看守其餘放免

一南京工部成造馬槽馬椿等項俱係粗重之物沿途軍民運送不勝勞擾詔書到日悉皆停止以後缺用在京衙門照數成造不許違悞

一茶鹽之利國用所資近年以來招商不肯上中皆因勢要之家纔支纔賣及夾帶私販侵奪其利今後鹽茶不許勢要及內外見在官員之家上中及夾帶販賣侵奪民利違者治以重罪茶鹽入官

一各邊軍儲各處賑濟山西河南王府一次祿米有因今次寬恤目前支用不敷將來無所取給者戶部會計處置來文事有難處者卽會多官計議務要各陳所見將可

責近效期於必行事畢開奏定奪毋或推  
避虛應故事

一軍衛有司預備倉糧有例見行官吏人等  
奉行不至多無成效今後軍衛每一百戶  
所有司每一里務要措置或勸借等項各  
以二千石爲額驗時豐凶斂散年終常要  
將額數收除實在數目開奏有能多積一  
半或兩倍者量加旌擢巡按分巡分守官  
員時常往來管理

一在京在外官吏軍民人等自成化十九年十二月以前有爲事追陪還官入官給主一應財物不得完足者悉皆停免釋放其各處官攢人等有因查盤根草腐朽浥爛虧折數多問罪監追若果無侵盜情弊亦皆免追

一妖言人犯例該全家發烟瘴地面充軍但中間有族屬疎遠各籍另居事無相干者一槩發遣情有可矜所司再行查審果係

各居另籍者悉皆放免今後有犯重罪全家充軍者除謀逆不限籍之同異外餘異籍另居者並與分豁

一在京各衛帶俸軍職數多有情願告選外衛者指揮僉事以下許赴兵部具告餘除缺官衛所聽巡撫巡按等官量材委用

一各處清理起解軍解違限一年之上軍發邊衛解人發附近衛分充軍者軍人仍還原衛解人寧家陝西山西河南地方饑荒

該解查補軍伍暫且停止待年豐查解補  
伍

一在京官員軍民之家衣服飲食奢侈借用  
不無濫費財物卽便出榜禁約

一各處鎮守內外等官貢獻方物悉照天順  
三年以前例外不許因而科害軍民及沿  
途往來攪擾以致嗟怨

一勢要之家不許霸占關廂渡口及同設舖  
店販賣錢貫抽要柴草勒捐擺渡牙保水

利等錢侵害小民違者許巡城巡按并該  
管地方官員捉拿叅奏

一在外法司問擬囚犯有經十年者累次執  
訴冤枉屢勘不服情可疑者所司審實合  
辯問者從公辯理如或干連逃躲事雖決  
斷與人命無屍可檢強盜贓仗不明及年  
久無贓人死無証者原問衙門備開矜疑  
緣由具奏定奪其都司衛所問擬囚犯宜  
從巡按御史并按察司分巡官審實具奏



不許坐視不理違者罪之

一法司問完囚犯枷號者悉免枷號俱照例  
釋放中間有依旨發遣充軍者仍具奏定  
奪

一陝西山東河南北直隸被災處所凡民間  
詞訟戶婚田土債負等項不分遠年近年  
之事應提人對理者今當饑饉及農種時  
日官司與明立文案將原告知証候秋成  
日提對發落不許一槩勾擾監禁妨農生

理

一在內在外見任文武官員總小旗有爲事  
停住祿米俸糧悉令仍舊關支

一朝廷政事得失軍民利病許諸人直言無  
隱

成化二十一年正月初七日

奉

天承運

皇帝詔曰朕惟自古帝王之孝親匪惟養以天下而必尊以鴻名蓋所以表功象德顯于今而垂于後也情文咸具敢忘祇循恭惟

聖母皇太后夙贊

先聖茂隆內治誕毓眇質纘紹丕圖迄今二紀

宗社奠安海宇寧謐寔皆

聖母深仁洪慈訓迪之所致也矧於皇太子勤劬長

皇明詔赦

五

成化二十三年

七十六

育用底有成家室攸宜國本深固凡茲勛德超軼千古而尊崇元禮尚未加隆朕心歉焉乃稽彝典率籲臣工以今月十七日謹奉冊寶上

尊號曰聖慈仁壽皇太后仰酬罔極之恩遠追帝王之孝禮既成于家國澤斯溥于寰區所有合行事宜條列于後

一宗室爲庶人者各賜米十石絹十疋其子女仍賜米五石布五疋年及婚配者所司具名以聞照例選婚量助嫁娶之資俱今

有司辦給

一軍民之家有年八十以上者不分男婦有司給與絹一疋綿一斤米一石肉十斤九十以上者倍之共八十以上爲鄉里所敬服者有司勘實加以冠帶以榮終身

一軍民之家年七十以上者許一丁侍養免其雜泛差役無丁者有司時加存恤母令失所

一內外官員有父母在家願分俸助養者准

令分俸於原籍關支

一兩京文武官員未關誥敕者七品以上至四品若父母見在先與誥敕封之三品以上俱與應得誥命不爲常例

一在外官軍老疾不能任事告替職者准令兒男赴部替職免其自來

一在京文職以禮致仕五品以上年及七十者進散官一階其中有廉貧不能自存衆所共知者有司仍每歲給與食米四石以

資贍養不許徇情一槩濫給

一各王府官有年老願致仕者進散官一階其歷俸三年以上父母見存該授封者給與誥敕封之不爲例

一侍軍年及五十歲侍衛二十年以上者不  
拘在役退閑俱給冠帶以榮其身

一兩京文職有離家六年之久欲照例給假  
省親者查無違碍許其歸省

一吏部給由等項聽選官取選未到願告致

仕者俱陞職一級致仕監生不願出仕者  
已有授職事例今後還填註衙門給與散  
官吏員冠帶聽選願告回家不仕者照資  
格填授衙門職名閑住在原籍者俱許赴  
各該司府衙門告勘給授仍類冊繳部以  
憑查考

一 監生家貧親老願告教職者已有事例其  
遇例入監願就教職者亦許一體考授其  
在學廩增生員有因親老無人侍養願告



侍親者聽親終方許復學其在學累舉不第年五十以上願告罷閑者聽仍免本身

雜泛差役

一兩京陰陽醫生有年六十以上不能供役願回家者審實放回其軍匠厨役人等有老疾者亦許告替俱免其雜泛差役

一在京在外有孤老殘疾不能生業者即便收入養濟院照例給與衣糧已收者仍賜

米二斗

一各處僧道有父母見存無人侍養者不問有無度牒許令還俗養親

一孝子順孫義夫節婦有司開具實蹟奏聞以憑旌表其已旌表年及六十者孝子冠帶榮身節婦照八十以上例給賜絹綿米肉

一詔書內優老恩典有司務當從實遵行不許虛應故事

於戲據古尊稱式廣親親之教揆今恤下誕敷

老老之仁詔告中外咸使聞知

成化二十三年四月十九日